

惟查資政院議員沈林一原係晉省候補道熟悉本省情形如有與晉關涉事件卽令就近討論以資採擇除電知該道外專此奉覆寶銓叩沁

●江督覆憲政編查館電 憲政編查館鈞鑒敬電祇悉蒙諭資政院議事與各省有關應派員接洽謹當遵辦查有江蘇候補道沈邦憲諳練穩實堪以委派除給咨賚報外謹先電聞人駿沁

●蘇撫覆憲政編查館電 憲政編查館鈞鑒敬電悉查有分省補用道何煜熟悉蘇省情形結實可靠堪以派往資政院旁聽並赴各主管衙門陳述意見謹聞德全有

●又致憲政編查館電 憲政編查館鈞鑒有電計達鈞覽刻以何道煜經手事繁一時不能分身祇好遵照鈞館敬電無相當人員暫不派遣至應陳述之意見容分咨各主管衙門查照謹聞德全沁

●直督覆憲政編查館電 憲政編查館鈞鑒敬電悉敝處現派前翰林院檢討唐寶鏗到京接洽特此電聞夔龍有

●署粵督覆憲政編查館電 憲政編查館鈞鑒粵省目前尙無甚陳述要件擬緩派旁聽將來如有關繫本省之事仍乞隨時指示樹勛沁

●魯撫覆憲政編查館電 憲政編查館鈞鑒敬電讀悉卽派道員朱鍾琪爲本省委員尅日赴京但開院之日斷趕不到琦沁

●江撫覆憲政編查館電 憲政編查館鈞鑒敬電謹悉查有調江張侍讀國淦熟悉本省情形遵卽派令來京謹先奉聞樹模感